



備志

貳百世五之貳百世七

45  
68  
80





武備志卷二百三十五

防風茅元儀輯

占度載

度 四十四

四夷 十三

西域諸國考

茅子曰西域諸國貢否不常較之漢唐俱不逮焉夫玉門關古之所以限華夷也今之邊在其內將千里何以示遠人哉超勇湯壽國之寶也

武備志卷二百三十五

占度載 度 四夷十三

明治 年 日 未

五作六卷三十五

撒馬兒罕

天方

迭里迷

渴石

養夷

達失干

卜花兒

黑婁

鹽澤

二百二十五

哈烈

默德那

俺都淮

八刺黑

于闐

火州

别失八里

魯陳

沙鹿海牙

武備志卷三十五 占度 四夷十三

賽藍

哈失哈力

亦力把力

阿哇

拂赫

麻林

沼納樸兒

加異勒

黑葛達

敏真誠

八答黑商

覽邦

火刺札

失刺思

白松虎兒

撒馬兒罕

撒馬兒罕漢屬賓也在哈烈東北二千里東去嘉峪關九千九百里東西相距千里地平山川鐵門

武備志卷三十三 占度載度 四萬十三

峽阿木河最大風景偉麗土田膏腴宜五穀頗類  
中原獨勝諸國城依平原濠深險北有子城王居  
高廣在城北隅王白帽城中達巷縱橫肆市稠密  
西南番賈多聚於此市易用銀錢禁酒俗尚回回  
教有拜天屋青石雕鏤極精巧以羊皮裹經文  
字泥金書人物秀美多藝能尤善作室國東有養  
夷沙鹿海牙塞藍達失于西有渴石迭里迷諸城  
皆隸焉洪武二十年國主帖木兒遣回回滿刺哈  
非思貢駝馬詔厚賜之二十二年貢馬二十四年

又甚似  
古人知  
外表之  
文運尚  
木隨時  
變遷也

貢海青賜敕賚予之二十七年帖木兒遣使送力  
必失表貢馬二百匹表曰恭惟大明太皇帝受天  
明命統四海仁德弘布恩養庶類萬國欣仰咸  
知上天欲平治天下特命皇帝出膺運數為億兆  
之主光明廣大昭然天鏡無有遠近咸照臨之臣  
帖木兒僻在萬里之外恭聞聖德寬大超越萬古  
自古所無之福皇帝皆有所未服之國皆服之  
遠方絕域昏暗之地皆清明之老者無不安樂少  
者無不長遂善者無不蒙恩惡者無不知懼今又

施恩遠國凡商賈之入中國者使觀覽都邑城池  
富貴雄壯如出昏暗之中忽覩白日何幸如之又  
承赦書恩撫勞問使站相通道路無壅遠國之人  
咸得其濟欽仰聖心如照世之杯使臣心中豁然  
光明臣國中部落聞茲德音惟知歡舞感戴臣無  
以報恩德惟仰天祝頌聖壽福祿如天地遠大永  
永無極照世杯者其國舊傳有杯光明洞徹照之  
可知世事故云二十八年遣兵科給事中傅安郭  
驥等使西域留撒馬兒罕永樂五年頭目哈里令

虎歹達送安等還且貢方物厚賜之改安等禮科  
賜衣安等言帖木兒本元駙馬卒孫哈里嗣上遣  
人祭帖木兒賜哈里璽書銀幣已而兀魯伯貢馬  
復遣安報使或曰兀魯伯即哈里洪熙元年安始  
還國請勅命吏部言安歷年雖久未經者覈例不  
得授景陵曰安使遠夷留二十餘年良苦何例爲  
與勅正統十二年又貢馬玉石四年又貢成化十  
九年阿黑麻王貢獅子夷使請大臣出迎禮部  
尚書周洪謨以爲不可遣中官迎之獅日食生羊

二醋酣蜜酪各二瓶官養獅人光祿日給酒飯二十  
十三年廣東布政司陳選言撒馬兒罕使臣怕六  
灣貢獅子欲於廣南浮海從滿刺加更市獅子入  
貢不可貴異物開海道利賈胡貽笑安南諸夷弘  
治三年由南海貢獅子禮官倪岳言南海非西域  
貢道請却之自後貢皆從嘉峪關入嘉靖中其國  
稱王者五十三人皆遣入朝貢產金銀玉銅鐵珊  
瑚琥珀琉璃罽苾思檀水晶鹽花藥布名馬獨峯  
駝大尾羊狻猊

### 天方

天方古鈞冲地舊名天堂又名西城宣德中其王  
遣沙嶽來朝貢俗用回回曆風景融和四時皆如  
春田沃稻饒居民樂業男女辮髮馬乳拌飯產馬  
金琥珀玉石珊瑚犀角貢從嘉峪關入

### 迭里迷

迭里迷在撒馬兒罕西南去哈烈二千餘里新舊  
二城相去十餘里王居新城東距阿木河河廣非  
舟不可渡城內外居民僅數百家畜蕃息多魚

河東地隸撒馬兒罕河西有蘆林多獅子

渴石

渴石在撒馬罕西南二百六十里城據大村周十餘里四面水由東南近山中有園林故酋帖木兒駝馬居也規模極宏壯堂四隅白石柱如玉墻壁牕牖盡飾金碧綴琉璃西行十數里皆委曲山多奇樹又西去二百里大山屹立中有石峽兩壁懸崖宛如斧劈行二三里出峽口有門夷人曰此鐵門關也

養夷

養夷在賽藍撒馬兒罕亦力把力蒙古諸部落間數相侵擾以故人無寧居惟戍卒數百人處孤城中城四面皆亂山東北有大溪西流長數百里溪旁頽垣破廬蕭然草莽

達失干

達失干在賽藍西去撒馬兒罕七百里城據平原甚狹小四面平岡多林木溪流蜿蜒土宮五穀人稠密質朴饒衣食



卜花兒

卜花兒在撒馬兒罕西七百里城居平川周十餘里民物富庶市里繁華戶口萬計地平衍宜五穀桑麻天氣溫和冬不附火蔬菜不絕產絲綿布帛六畜大類中國

黑婁

黑婁在嘉峪關西近土魯番土魯番與世結好故其每入貢從土魯番入其地山水草木禽獸皆黑男女亦然宣德七年始遣使朝貢

鹽澤

海鹽井  
鹽池鹽  
之外又  
有此鹽

鹽澤在崖兒城西南去土魯番三千餘里在平川中廣不二三里居民百家黑的兒火者稱王居鹽澤既死土酋強者統之產石鹽堅白如石可琢為器以盛肉食不鹽而鹹

哈烈

哈烈一名黑魯撒馬兒罕西南去嘉峪關萬三千里元駙馬帖木兒之子沙哈魯居其地國人稱為速魯檀猶華言君主也東有俺都准八刺黑諸城

皆隸焉。洪武二十五年遣使詔諭酋長賜金綺。永樂七年頭自麼賚等朝貢。十二年遣行在東部員外郎陳誠使其國。正統二年指揮哈只等貢馬。玉石城方十里居平川。川廣百里四面大山。王並東北山壘石爲屋。屋若高臺無棟梁。墻壁牕牖皆金碧。琉璃門扉雕刻嵌骨角。屋傍設綵繡帳房爲燕寢所。金床重茵衣冠大類。亦力把力民土房或覆帳以雨少。故上下相與直呼名。雖王亦然。相見稍屈躬道。撒力馬力一語握手或相抱爲禮。致意于

人則云撒籃少炊爨飯食就肆無七箸。交易用錢錢三等無正朔時日月亦無斗斛。用權衡爲官稅。十二國用資焉。男髡首衣尚白。及喪易青黑。無棺槨不祀鬼神。祭先於墓所。人多善走日行可二百里。氣候常煖市中流水四時不斷。多水磨風磨。瓷器尤精巧。產巴旦杏鎖伏花毯金銀銅珊瑚琥珀水晶珠翠名馬獅子黑白文獸白鹽堅明如水晶琢磨爲器以水潤之。和肉食多桑宜蠶爲絛綺細密過中國農不甚勞。然多獲田美而每歲更休

外夷貴  
中國之  
茲器此  
國獨精  
於此

地力得完也餽贈錫予宴會極豐厚男女瀆亂無耻大抵西域城郭諸國哈烈最鄙陋然有學舍聚生徒講習諸經義省刑罰薄賦歛寡爭訟好施子務農桑諸國又不及也在王城中極弘偉

默德那

默德那即回回祖國初國王謨罕慕德生而聖靈臣服西域諸國諸國尊為別諳援爾華言天使也國中有佛經三十藏凡三千六百餘卷書兼篆草楷西洋諸國皆用之隋開皇中國人撒哈人撒阿

的幹葛思始傳其教入中國其地接天方有城池宮室田園市肆大類江淮間寒暑應候民物繁庶種五穀亦有陰陽星曆醫藥音藥諸技藝人俗重殺非同類殺不食不食豕肉織文雕鏤器皿最精巧宣德中國王遣人隨天方朝貢

俺都淮

俺都淮隸哈烈西南去哈烈千三百里東北去撒馬兒罕亦如之城在大村中村廣百里城居十平曠無險峻地沃人繁庶稱樂土

八刺黑

八刺黑一名八黑在俺都淮東北城居平川周十餘里南近山無險阨地平廣食物豐饒西南諸番賈衆焉永樂中哈烈沙哈魯各遣其子守之

于闐

于闐大國在葱嶺北二百里東西五千里南北千里漢唐皆入貢中國石晉時王李聖天自稱唐宗遣人入貢封爲太寶于闐國王宋末南遷朝貢不絕永樂六年頭目打魯哇亦不刺金遣滿刺哈撒

木丁等貢玉璞十二年吏部員外郎陳誠至其國國主微慕鄰國交侵人民僅萬計皆避居山谷間境內惟火州魯陳哈夫哈力阿力稍有城邑餘皆荒垣敗屋生理極蕭索永樂以後西戎奉職貢不敢輒相攻始得休息行賈諸番遂富饒桑麻禾黍宛如中土人機巧喜浮屠法好歌舞工紡織相見輒跪得間遣書戴于首乃發之稍知尊卑禮節狀貌亦似華人其山葱嶺爲大嶺下有白玉河綠玉河黑玉河產玉胡錦雙峯駝諸香珠珊瑚翡翠琥

珀花藥布名馬臘胸臍金星石水銀獅子阿魏

火州

火州在嘉峪關外行可一月至本漢車師前後王地前主治交河城即唐交河縣去長安八千里後王治務塗谷即唐蒲類縣去長安九千里漢元帝特置戊巳校尉屯田於前主庭以其地勢高敞名高昌壘後魏初有闕伯周者自稱高昌王唐太宗平高昌置西州及都督府後陷於吐蕃其地有回鶻雜居故又名回鶻宋時屢遣使貢元號畏兀兒

隸馬哈木八國朝號火州其東七十里有柳陳西百里有上魯番火州城近北地里下山色如火天氣多熱城方十餘里永樂七年土酋遣人朝貢十二年吏部員外郎陳誠至其國誠言其國風物蕭條市里民居僧堂過半亦皆零落東有荒城故址云古高昌國治漢西域長史戊巳校尉並居焉宣德五年火州王吟以土魯番萬戶賽因帖木兒柳陳誠萬戶瓦赤刺俱遣人貢馬及玉璞至今人貢不絕俗新匈奴烏孫事天神信佛法貴食馬好騎

武備志卷三十三 占渡載 度 四時十三

射時節，涇水為戲，其山川靈山蒲類海文河為大產，馬駝鹽白氈布鎮鐵陰牙角阿魏。

別失八里

別失八里在西域永樂三年其王沙迷查干遣人言哈密忠順王安克帖木兒為北虜鬼力赤毒死願率兵討之土喜遣使賜綵幣勅令與副忠順王脫脫相睦。

魯陳

魯陳一名柳城古柳中縣地去哈密千由中經大

川砂磧無水草馬牛過此輒死大風倏起人馬相失道傍多骸骨有鬼魅行人失侶白日迷亡夷人謂之旱海出川西行至流沙河河上有小崗云風捲浮沙所積道北火焰山山色如火城方二三里四面多田園流水環繞樹林陰翳土宜稼麥糜豆有小葡萄甘甜無核名鎖子葡萄氣候和燠風俗醇朴人二種回回男子削髮戴小單刺婦女白布裹頭畏兀兒男子椎髻婦人蒙皂巾垂髻於額大抵皆胡服。

沙鹿海牙

沙鹿海牙在撒馬兒罕東五百里城據小岡西北  
臨山河河名水站勢衝急有浮梁其地南近山三  
面皆平川人繁庶依崖谷而居園林廣茂西有大  
沙洲可二百餘里無水即有水人不可飲飲牛馬  
亦輒死有臭草根株獨立高尺許枝葉如葢春生  
秋死臭氣逼人取生汁熬膏為阿魏亦有細草可  
熬膏味如蜜

賽藍

賽藍在達失干東西去撒馬兒罕千里城周二里  
四面平原草木長茂流水環繞五穀蕃殖秋夏間  
草生黑蜘蛛甚小毒甚嚙人遍身痛號呼聲動地  
土人禳詛者口誦呪以薄荷枝拂中毒處又以鮮  
羊肝遍擦其體經一晝夜痛方息愈後皮膚如蛻  
脫牛馬被傷輒死行人宿必近水避之

哈失哈力

哈失哈力宣德間遣十四人來朝貢或曰即阿力  
馬力

亦力把力

亦力把力在沙漠間或曰焉耆或曰龜茲元時名別尖八里馬哈木封於此洪武二十四年國王黑的兒火者遣人貢馬永樂四年王沙迷查千遣人貢玉璞十二年陳吏部使其國十六年頭自速哥克刺滿刺來朝言歪思弒其從兄王納黑失只罕自立為王徙其國西去更號亦力把力正統二年王也先不花遣人貢玉璞駝馬景泰三年遣人朝貢天順以來入貢不絕其國無城郭官室逐水草

住牧設帳房擅寒暑坐臥於地其王戴小帽刺簪鵝翎衣禿袖衫削髮貫耳飲食肉酪或食糝麥為毛布多雪霜平曠之地夏秋略煖深山大谷六月飛雪俗獷戾服用污穢上下無紀律其山白山葱嶺為大有熱海然氣候常寒產銅鐵鉛雌黃胡粉馬駝犖牛孔雀氍毹阿魏白氍布

阿哇

阿哇永樂中王昌吉刺遣人來朝貢

拂菻



拂菻在嘉峪關外萬餘里洪武四年遣其國故民  
捏古倫賁詔諭之尋遣人來朝貢其俗土屋無瓦  
貴臣如王服不尚鬪戰鑄金銀錢產金銀珠西錦  
千年棗馬獨峯駝巴攬

麻林

麻林未詳其國所在永樂十二年王遣人獻麒麟  
上喜厚賜之

沼納樸兒

沼納樸兒在印度之中古所謂佛國也永樂中遣

使詔諭國主一不刺金玉遣人來朝貢

加異勒

加異勒西戎小種居人不及千家貧窶乏食常備  
鄰國永樂中王者麻里柰那遣使別里呆不來貢  
方物宣德間遣使朝貢

黑葛達

黑葛達國小民貧平川廣野草木暢茂禽獸鮮少  
俗尚佛畏刑市肆多牛羊交易用鐵錢宣德中國  
人嘗遣使十人來朝貢方物

敏真誠

敏真誠國亦大多，高山水流深，縛禾為渡，日中為市，諸賈皆集。見中國磁漆器，爭欲得之，產異香駝馬。永樂中國王遣四十人來朝貢。

八答黑商

八答黑商，永樂間遣四十人來朝貢，方物織皮紙，麝香木，其國山川明秀，人俗朴實，奉佛有浮屠數區，壯麗如王宮。西洋西域皆商販於此，大抵皆羽毛織文玉，石香木，駝羊也。布帛銀錢皆可交易。

覽邦

覽邦，洪武九年遣入來朝貢。永樂宣德中嘗附鄰國貢方物，其國去西域遠甚，無市賈販地，多沙礫麻麥，之外無他穀。山坡地無峯巒，水亦淺濁，俗亦好佛，勤賽祀，有駝馬牛羊市，亦用錢。

火刺札

火刺札，國微人弱，物產涼薄，四圍皆山，山鮮草木，水流曲折，亦無魚鰕，城僅里許，皆土屋板屋，王居亦陋，俗尚佛，重僧喜中國磁器針線。永樂十四年

嘗遣人朝貢

失刺思

失刺思永樂間遣人來朝貢時遣內外官以綺幣磁器市馬於迤西撒馬兒罕失刺思諸國獻陵即位詔諸使至十日內就所在還京無得托故稽留宣德中遣使八人來朝貢

白松虎兒

白松虎兒舊名速麻里兒國中無大山山卑小者亦鮮林木無猛獸毒蟲之害先時嘗有白虎出松

林中遇獸不食遇人不傷旬月後竟不見國人稱為神虎父老又曰此西方白虎降精以是更其國為白松虎兒永樂中遣使十六人來貢

武備志卷二百三十五

武備志卷二百三十六

防風茅元儀輯

占度載

度 四十七

四夷 十四

海外諸國考

茅子曰東南諸國其朝貢敬共無如占城琉球然  
占城古越裳也明王大度置之版圖之外反以為  
安南利琉球近亦脅于倭不以時至君子每咨歎

武備志卷二百三十六

占 載 度 四夷 十四

焉修文德以來之張武功以動之均之聖王之略也豈必勤兵而後服哉然我之威德衰則彼亦鳥獸散故聖王兢兢焉

琉球

三佛齊

占城

真臘

暹羅

蘇門答刺

三十六

瓜哇

古俚

淳泥

滿刺加

榜葛刺

錫蘭山

蘇祿

柯枝

祖法兒

武備志卷之三十六 占度載 度 四夷山

溜山

阿丹

白葛達

瑣里

西洋瑣里

彭亨

百花

婆羅

阿魯

小葛蘭

古里班卒

呂宋

合猫里

碟里

打回

日羅夏治

忽魯母恩

忽魯謨斯

昔巴里  
 古麻刺  
 討來思  
 吃力麻兒  
 納失者罕  
 亦思把罕  
 淡巴  
 甘把里  
 答兒密

阿速  
 琉球  
 琉球在海東南自福建梅花所開洋順颶利船七日可至漢魏至唐宋不通中國隋嘗遣兵虜其男女五十人元遣使招諭竟不從洪武初國分中山山南山北稱三王遣使朝貢十五年賜中山王察度山南王承宗鍍金銀印金幣使還言三王爭雄相攻賜詔諭之并諭山北王怕死芝十六年賜山

試備志卷二  
 度載  
 度  
 四夷十四

北王印文綺王妃姪相寨官各有差二十五年中山遣子姪及其陪臣子弟入國學上喜禮遇獨優賜閩人三十六姓善操舟者令徃來朝貢永樂二年察度卒詔封其世子武寧嗣王是年山南王承察度卒無子令其從弟汪應祖攝國事應祖使來請命如山北王故事諭蹇尚書遣使賜應祖冠服嗣山南王九年中山王思紹令坤宜堪彌貢馬及方物以其長史程復來見表言長史王茂輔導有年乞陞國相兼長史事又言復本中國饒州人輔

臣祖察度四十餘年不懈于職今年八十有一令致仕還其鄉上從之陞復琉球國相兼左長史致仕還饒茂國相兼右長史景泰元年中山王尚思達遣人朝貢三主嗣封皆請於朝已而山南山北為中山所并中山遣使朝貢令三年一貢貢無過百五十人察度後五傳至尚圓嗣王卒子尚真嗣嘉靖十一年尚真卒子尚清請嗣遣左給事中陳侃行人高澄以太牢祀真封清嗣王賜王妃冠服錦幣使臣疏言弘治正德時修換羅倫等嘗使



安南安南乞留詔勅為鎮國之寶論為請得留即  
琉球請留如安南海外遠不得即請乞下禮官議  
議請如安南使至國授封王拜曰天朝詔勅藏金  
匱者八葉于茲矣請留使許之比還遣其王親寧  
吉長史蔡瀚上表謝使上使琉球錄言太明一統  
志中載琉球有落捺王居壁下聚觸巖非實事杜  
氏通典集事淵海羸蟲錄星槎勝覽之所迹亦傳  
者妄也乞下史館從之其後為日本所脅事見日  
本考中其俗以盈虛為晦朔以草木為冬夏人皆

去髻黥手羽冠毛衣無禮節好剽掠既遣入學於  
國學夷習稍變奉正朔設官職被服冠裳陳奏章  
表著作篇什有華風焉今其國中王下有王親不  
與政次法司官次察度官司刑名次那霸港官司  
錢穀次耳目官司訪問皆土官為武職以上世及  
所轄地為姓名其大夫長史通事官司朝員有定  
員為文職皆三十六姓人及學於國學者為之王  
并日視朝且中身凡三朝羣臣搓手膜拜尊且親  
者入殿坐飲酒畢疏者移時長跪階下歲元旦聖

節長至君臣冠服拜龍亭祝慶子為親喪數月不  
肉食人死以中元前後日浴尸溪水去腐肉取骨  
纏以布帛裹葦草埋土中王及諸臣家匣骨藏山  
穴竅木為小牖歲時祭掃啓視之地無貨殖不通  
商賈朝貢乘航海上漁鹽泛小艇無竹筏信鬼畏  
神神以婦人為尸號女巫女巫之魁稱女君白日  
呼嘯聚輻數百人攜枝戴草騎步縱橫時入王宮  
褻游狎戲一唱百和音聲凄慘倏忽往來莫可踪  
跡馮附淫昏矯誣禍福王及世子陪臣皆頓首拜

跪王居山巔國門名歡會府門漏刻殿門奉神於  
素無金碧之飾賦法略如井由王臣民各分土為  
祿食上下無征歛有事一取諸民事已即已用刑  
甚嚴盜竊即刑剗家富貴者瓦屋不過二三楹餘  
皆茅土風雨飄搖以螺殼甃甃無釜甑耕無鐵鋤  
人嚼米為酒男子煮海為鹽市用日本錢十當一  
如宋季鷲眼縵貫人無貴賤皆驍健耐勞苦饑寒  
不知醫藥而無疾疫兵甲堅利射可至一二百步進  
止有金鼓鄰國視為勅敵然好爭狠鬪輒刃殺

度不能脫卽剖腹自斃其山川龜鼉嶼彭湖島爲  
天或曰國西古米山有礁甚險舟至輒敗卽落際  
也產馬海巴牛皮磨刀石硫黃銅錫扇山無  
以故多野馬牛豕鬪鏤木蘇木胡椒諸香非其產  
也又有小琉球近泉州閩人言霧日登鼓山可望  
而見入國朝未嘗朝貢或曰并入琉球琉球旁  
毗舍那者島中小夷鳥語鬼形袒裸盱眙殆非人  
類不通中國

三佛齊

三佛齊卽舊港又名淳淋在東南海中本南蠻別  
種初隸爪哇有地十五州東距爪哇西距滿刺加  
南距大山西北濱海番舶輻輳多廣東漳泉人士  
沃宜稼穡人好賭博習水戰服藥刀不能傷遇敵  
敢死鄰國畏之木多土少將領得居陸民率架茂  
水中架梁柱語言如爪哇市用錢布字用梵書其  
屬有單馬令凌牙斯蓬豐登牙儂細蘭諸國洪武  
初王恒麻沙那阿稱臣入貢四年遣玉的力馬罕  
亦里麻思奉金字表朝貢賜大統曆文幣六年使

來貢八年使從我招諭拂菻十年恒麻沙那阿卒  
賜王子麻那者巫里三佛齊國王印印銀寶  
鑲金是時廣東有陳祖義者脫罪避居其國久之  
得為將領暴橫掠過客永樂中太監鄭和統海船  
下西洋至三佛齊有施進者祖義鄉人也訴于和  
和擒殺祖義承制官進仍留舊港為將領進沒女  
嗣官產鶴頂火雞神鹿金銀水晶珠瑠璃珊瑚犀  
角象牙龍腦諸香猫睛石薔薇水阿魏沒藥血結  
鶴頂鳥大於鴨腦骨厚寸餘外黃內赤鮮麗可愛

火雞大於鶴頸足亦似鶴軟紅冠銳背毛如青羊  
色爪甚利傷人腹致死食炭神鹿大如巨豕高可  
三尺短毛豕喙蹄三路

占城

占城古越裳秦林邑漢象林漢末區連殺縣令自  
稱林邑王遂不入版圖唐元和初改號占城宋淳  
熙中襲破真臘慶元中真臘復讐俘殺幾盡更立  
真臘人為主洪武二年遣吳用顏宗魯楊載等使  
占城爪哇日本等國賜王璽書是年遣使蒲旦來

都朝貢言安南侵境上遣使詔諭安南罷兵是年  
國王阿答阿者遣虎都蠻來朝貢虎象遣中書省  
管勾甘桓會同館副使路貢賢封阿答阿者爲占  
城國王賜大統曆金綺四年阿答阿者遣答班爪  
十農奉金葉表朝貢言安南數侵境乞賜兵器樂  
人俾安南知我乃聲教所被輸貢之地不敢輒欺  
負上憐之命中書省咨王言交鄰有道事上以誠  
占城安南旣皆臣事朝廷豈可擅兵相毒卽咨安  
南令其罷兵兵器不爾咨但以安南故賜爾是助

爾構兵也樂器有聲律華夷方言本異中國人不  
可遣遣爾國人能習華音者來習肄十六年遣子  
來賀聖節賜勘合文冊二十四年使至以臣弒君  
故絕之永樂四年王占巴鎖里人勅王的賴得黎  
賊父子及其黨惡卽械送京尚書陳洽在南交軍  
中馳奏占城國王占巴的賴奉命出兵討安南陰  
懷二心愆期不進及進至化州輒肆虜掠又以金  
帛戰象資季擴季擴亦以黎蒼女遺之復約季擴  
舅陳翁挺等二萬餘人復侵升華府隸四州十一

縣地驅掠人民罪下季擴一等耳請發兵討之上以交趾初平不欲窮兵遠夷遣使諭王歸我侵地永樂後遣入朝貢令二年一貢正統六年國人請封其嗣王遣使冊封成化中遣使冊封正使卒海上副使論罪戍邊其國在大海南南距真臘西距交趾東北際海自閩長樂五虎門西南行順風可十日至東北百里海口立石塔爲標舟至是繫焉俗獷悍果于戰鬪尚釋教王冠三山金花玲瓏冠衣白跣足乘象或黃犢車臣莖葉冠男蓬頭女後

椎結所居茅茨不得踰三尺衣紫衣衣玄黃罪死出入乘象馬粒食亦鮮食殺牛祭鬼驅象逐邪市用金銀焚衣祭天釀酒甕中俟熟賓主繞甕坐筒而甕且甕且注水味盡而止文書用羊皮及黑木皮無間月晝夜各分五十刻王當賀日沐入膽汁將領獻人膽爲賀王在位三十年卽入山茹素受戒令子姪攝國居一歲顛天矢日我不道當充虎狼食或病死暮年得無恙復入爲王於是國人呼爲芳嚙馬哈刺札云有號屍致魚者婦人也自無

瞳衣飛頭入人家食小兒穢氣侵兒腹兒即死頭  
返合體如故失其體不得合即死夫不聞者罪之  
產金銀錫鐵獅象犀牛瑇瑁諸香朝霞大火珠菩  
薩石薔薇水猛火油檳榔諸文異木胡椒白藤吉  
貝絲紋白氎布孔雀山雉伽南香唯此地有之價  
亦高觀音竹如藤長丈八尺許色黑如鐵寸二三  
節犀角象牙最多犀如水牛大者八百斤體黑無  
毛蹄有三路獨角在鼻端長者可尺五寸馬小於  
驢波羅蜜形如東瓜

真臘

真臘本扶南屬國一名古臘在東海中隋始通中  
國唐神龍中并扶南而國分為二其南近海多陂  
澤為水真臘北多山阜為陸真臘後復合為一宋  
宣和初封為真臘國王慶元中破占城立其國人  
為占城王占城遂為屬國又有參半真里登流眉  
蒲甘等國皆屬真臘聚落頗眾地亦廣洪武六年  
國主忽兒那遣奈亦告郎表獻方物賜大統曆文  
綺二十年正黎列保昆耶甘苦者遣使貢象及方

武備志卷之三  
物景泰二年貢賜王及妃文綺朝貢至今不絕其俗尚華侈東向爲上右手爲潔縣鎮風習大類占城王二日一視朝婚娶燃燈不息視力耕種產銅金諸香象翠羽嘉樹異魚

暹羅

暹羅本進與羅斛二國在南海中暹土瘠不宜耕稼羅斛土平衍種多獲暹仰給焉元至正間暹降羅斛洪武四年暹羅斛國王參烈昭毘牙遣奈思俚儕刺識悉替奉金葉表朝貢賜大統曆十年遣

子昭祿羣鷹奉金葉表貢象及方物遣使賜詔及暹羅國王之印十六年給勘合文冊令如期朝貢永樂元年稱暹羅國十五年瑣里人昭祿羣鷹哆囉諦刺爲王遣奈必上表貢方物乞量衡式賜古今烈女傳金綺量衡令三年一朝貢宣德中稍減賜物著令其國方千餘里羣山環繞峭拔崎嶇地下濕土踈惡氣候嵐熱不齊自古城西南舟行七晝夜至其國王宮壯麗民樓居其樓密聯檳榔片藤繫之甚固籍以藤蓆竹簟寢處于中王白布纏



首腰束嵌絲悅加錦綺跨象或乘肩輿尚釋教國  
人效之好爲僧尼婦人多智夫聽於妻妻與中國  
人私不爲恠男陽嵌珠玉富貴者範金盛珠行有  
聲婚則羣僧迎婿至女家僧取女紅貼男額稱利  
市喪禮貴者灌水銀葬民間烏葬言語大類廣東  
俗澆浮習水戰好鬪喜寇掠市用海貳者海爲鹽  
釀秫爲酒產寶石奇香異木翠羽獅白象白鼠蘇  
木賤如薪色絕勝六足龜珊瑚

蘇門答刺

蘇門答刺卽古蘇文達那西洋之要會也東南太  
山西北距海山連阿魯那孤兒黎伐三國自滿刺  
加西南行順風五晝夜至答魯蠻村舍舟陸行十  
里至其國無城郭有大溪入海海口大濤船至此  
往往沒溺洪武中國主遣人奉金葉表貢馬及方  
物永樂二年國主鎖丹罕難阿必鎮遣阿里來朝  
貢封爲蘇答刺國王賜印誥金幣五年使來貢已  
而王與花面王戰敗中矢死子弱不能復讐其妻  
發憤令于國曰能復此讐者我以爲夫與共國事

有漁翁聞之率眾敗殺花面王王妻遂從漁翁永  
樂七年王來貢上喜厚賜之十年遣使至其國故  
王假子率部眾殺漁翁王王子蘇幹利率眾奔于  
峭山時時相侵欲復讐十一年太監鄭和擒送京  
伏法漁翁王子感激貢方物甚夥宣德中貢使數  
至用金葉表十年封其子嗣主皆有賜至今朝貢  
不絕風俗淳厚言語和媚室廬婚喪衣服物產類  
滿刺加田磽穀少熟番舶往來財貨充物人饒富  
市用金錫錢惟酋長好殺殺入輒取血浴身花面

王者卽那孤兒王也國小僅比大村祇千餘家人  
皆勞面以故號花面風俗語言類蘇門答刺

瓜哇

瓜哇古閩婆國又名蒲家龍元稱瓜哇其國分東  
西二王所屬有蘓吉丹打板打網底勿諸國洪武  
三年王昔里八達刺遣入的占必奉金葉表貢方  
物及黑奴三百人納元所授宣勅已而我使至三  
佛齊瓜哇要而殺之十三年王八達那巴那務遣  
阿烈髮烈時奉金葉表朝貢上遣其使還詔諭責

王遂絕其使永樂二年其國東王遣使朝貢請印  
與之五年西王都馬板與東王戰滅東王時我舟  
過東王城西王殺我百七十人西王懼遣亞烈加  
恩謝罪勅詰責西王令償死者黃金六萬兩已而  
遣人貢萬兩禮官請索如數上曰朕利全耶今遠  
人知畏耳蠲其金賜鈔幣論之十六年西王楊惟  
西沙遣人獻白鸚鵡正統八年令二年一貢其國  
四鄉初至杜板僅千家二酋主之流寓多廣東漳  
泉人又東行半日至廝村中國人客此成聚落遂

名新村約千餘家村主廣東人番船至此互市余  
寶克溢人富饒又南水行可半日至淡水港乘小  
艇行二十餘里至蘇魯馬益亦有千餘家半中國  
人港傍太洲林木蔚茂有長尾猿數萬又水行八  
十里至漳汭登岸西南陸行半日至王所居滿者  
伯夷僅二三百家總領七八人王宮磚墻高餘  
三丈方三十餘里屋高四丈地覆板蒙藤花簾踞  
趺而坐民居茅茨磚庫坐卧于內王蓬頭頂金葉  
冠胷繫嵌絲悅腰束錦綺佩短刀跣足跨象或乘

平民男蓬頭女椎結上衣下悅男必腰刀刀極精巧刑無鞭朴罪不問輕重藤繫刀殺之市用中國古錢衡量倍于中國貴磁麝綺帛國人大抵三種西番賈胡居久者服食皆雅潔中國流寓者尚回回教持齋受戒曰唐人士人有名無姓尚氣好鬪顏色黝黑孫頭赤脚信鬼坐卧無椅榻飲食無匙箸啖蛇蟻蟲蛆與犬同寢食不為穢也婚男造女家後五日迎婦金鼓刀着前後甚都婦裸披髮跣足茶飲絲悅戴被金珠綵飾寶粧喪有水葬火葬

犬羣惟死者所欲產金珠銀犀角象牙玳瑁青鹽檳榔椒香蘇木桃榔木吉貝到掛鳥綵鳩綠鳩紅綠白鸚鵡白鹿白猿猴

武備志卷一百三十六

武備志卷一百三十七

防風茅元儀輯

占度載

度

四夷 十五

海外諸國考 二

古俚

古俚六國西洋諸番之會去中國十萬里西瀕海  
南距柯枝自柯枝海行可二日至永樂元年王馬

那必加刺滿遣馬戍朝貢焉五年遣太監鄭和賜  
王誥幣陞賞其將領有差王好浮屠敬象牛老不  
傳子傳外孫否則傳弟無外孫弟傳善行人族類  
念五種如柯枝王南毘人不食牛將領回回人不  
食猪大家晨起用牛糞塗地煨牛糞為囊佩之每  
旦水調抹額及股國事皆決于二將領土宜麥多  
馬俗尚信義行者讓路道不拾遺海濱為市通諸  
番用金銀錢以葫蘆為樂器紅銅絲為絃歌聲相  
協鏗鏘可聽刑無鞭笞輕斷手足罰金重誅戮沒

產夷其族有西洋布曰摺黎本出隣國坎夷  
關四尺五寸色絲間花悅闊五尺產孔雀白翅  
無餘鳥諸香膏貢金絲寶帶金絲細如髮結花  
寶珍珠鴉鵲石

淳泥

淳泥本閩婆屬國在西南大海中統十四州洪武  
四年王馬漠沙遣亦思麻逸進金表銀篋貢方物  
賜金綺永樂三年遣使封其國主麻那惹加那乃  
為淳泥國王賜印符誥幣六年王率其妃及子來

朝遣使迎勞之福建至南京王上金表獻珍物妃  
箋獻中宮東宮上宴王奉天門是年王卒于會同  
館諡恭順葬石子岡樹碑立祠有司春秋祀封其  
子遐旺嗣賜玉帶金銀綺幣器皿使送歸國遐旺  
請封其國後山賜名長寧鎮國上為文刻石十二  
年洪熙元年皆來朝貢俗以板為城以銅鑄甲煮  
海為鹽釀秫為酒喪葬有棺盛金無器室宇弘敞  
原由豐利習尚奢侈愛敬華人王服頗效中國產  
片腦諸香象牙吉貝玳瑁鶴頂

滿刺加

滿刺加永樂三年王西利入兒速刺遣使奉金葉  
表朝貢言願內附為屬郡效職貢七年太監鄭和  
克冊封使賜印誥錦綺封為滿刺加國王九年嗣  
王拜里迷刺率其妃其子五百四丁人來朝上  
御奉天門宴王賜玉帶羽儀鞍馬金銀錢鈔錦綺  
王妃冠服子姪僉從賞各有差十年遣使送還國  
十二年王母來朝貢厚賜之二十二年宣德九年  
王復來朝貢賜亦厚正統十年後數遣使來朝貢

天順三年王無答佛哪沙卒子舟茫速沙請封遣使冊立為王成化末給事中林榮行人黃乾了奉使瀕海死廕子入監讀書其國舊名五嶼東南距海西北皆山地瘠鹵故未稱國隸暹羅歲輸金五千兩既奉我正朔始不隸暹羅王白帛纏首衣青花袍躡皮屨乘轎俗淳朴尚回回教民舍如暹羅婚喪大類瓜哇聯榻跌坐剝木為舟泛海而漁旁海人畏龜龍龜龍高四尺四足身負鱗甲露長牙遇人即嚙嚙即死山有黑虎視虎差小或變人形

白畫羣入市覺者擒殺之

榜葛刺

西天有五印度國榜葛蘭者東印度也永樂六年王霸牙思丁遣人朝貢九年至太倉命行人往宣勞之十二年王寒弗丁遣人奉金葉表獻麒麟國最大自蘇門答刺海行過翠藍島至瀾地港更小舟行五百里至鎖納兒港登陸行二十五里至其國地廣人稠財物豐衍甲於諸鄰國國有城郭王及諸官皆圓面人男祝髮白布纏頭圓領長衣吏



綵悅躡皮履市用銀錢海賦五領山最高大氣候  
常熱如夏賦十二刑笞杖徒流官有印章行移軍  
有糧陰陽醫卜百土技藝大類中國有衣黑白花  
衫紫悅佩珊瑚琥珀纓絡繫臂硝子鐳釧歌舞侑  
酒者曰根肖速魯柰柰蓋優人也能作百戲以鐵  
索繫虎行市中入人家解索坐虎于庭裸而搏虎  
虎怒交撲什虎數回乃已或手投入虎喉虎亦不  
傷戲已仍繫之家人爭以肉啖虎勞戲者錢曆有  
十二月無閏風俗朴厚人好耕殖一年一熟產蠟

鐵翠羽琉璃蛇馬桑漆樹絲綿尤多鎗剪最巧利  
布數種有濶四五尺者蠶黑蠶勒濶四尺背尚皆  
毳絨厚可五分卽兜羅錦也白樹皮布膩滑光潤  
如鹿皮椰茭爲酒檳榔當茶

錫蘭山

錫蘭山在大海中海中有翠藍山最高大自山東  
南乘風可三日至赤卯鳩鳩人穴居男女皆裸若  
野獸不粒食食芭蕉子波羅蜜魚蝦又西海行可  
十日至佛堂山泊舟處濱海山麓有卧佛寺佛榻

寶飾極華麗又西北陸行五十里至王居王尚釋  
重象牛煨牛糞灰塗體飲牛乳不食其肉殺牛者  
罪死王宮民居旦必調牛糞塗地而禮佛國富饒  
地廣人稠亞於爪哇民上裸下纏悅加壓腰去鬚  
毫留髮布纏之女椎髻于後下縈白布飲食不冷  
入見產青紅黃鴉忽右水晶海洲有珠池日映光  
浮起閃閃射日間歲一淘珠諸番賈爭來市珠土  
宜稻不宜麥市用金錢重麝香綺絹青磁器銅錢  
樟腦水樂九年王亞烈若柰兒鎮里人絕我使途

太監鄭和俘至京十年封耶巴乃那為王赦亞烈  
若柰兒還國耶巴乃那故王族人一名不刺葛  
麻巴思刺查國人以為賢故封之遣使送歸詔諭  
其國正統十年遣使耶把刺謨的里啞來朝貢珠  
寶石天順三年王葛力生夏刺昔利把交刺惹復  
遣使朝貢

蘇祿

蘇祿在東南海中人鮮粒食食魚蝦螺蛤短髮纏  
皂纒煮海為鹽釀蔗為酒織竹布為業氣候常熱

武備志卷三十五  
永樂十五年其國東主巴都葛叭答刺西王巴都  
葛叭蘇哩峒主叭都葛巴刺十各率其妻子頭目  
來朝貢珍珠玳瑁諸物賜王冠服王金帶蟒龍金  
銀錢鈔錦幣器皿王妃王子女姻戚頭目賜物各  
有差二王者東主爲尊西峒二主副之歸次德州  
卒命有司營葬爲文樹碑墓道畱其妃妾及僕從  
十人守墓令畢二年還國遣使封其長子都麻合  
爲蘇祿國東主十九年遣使來貢

柯枝

柯枝一名阿枝東連太山西南北皆海自葛蘭山  
海西北行一晝夜可至永樂二年王可亦里遣完  
者答兒朝貢請封其國太山詔封爲鎮國山賜碑  
文是時太監鄭和使至其國國主鎖里人也首纏  
黃白布上不衣下繫絲帨束絲壓腰綴椰木葉苦  
屋國人五種曰南昆與王同類祝髮線懸脛爲貴  
族次回回人次富有財者曰哲地次牙僧曰革全  
又次卑賤者曰木瓜木瓜濱海而居業漁樵屋簷  
不得過三尺上衣不過膝途遇南昆哲地卽伏候

過乃起王尚浮屠敬象牛建寺範釜為佛每旦鳴鐘鼓及泉灌佛頂數向已乃禮之有曰濁肌者蓋優婆塞也娶妻不剃胎髮髮縷縷垂後牛糞灰塗體行吹大螺妻隨之乞錢氣候常熱多雨市用金銀錢銀錢十五當金錢一產珠象牙蘇木

祖法兒

祖法兒亦名左法兒東南皆海西北重山自古俚西北海行十晝夜可至無城郭俗尚回回教體幹修碩語言朴實王白布纏頭衣青花絲悅或金銀

袍靴屨乘轎跨馬前後列象駝馬鼓吹氣候常如秋市用金銅錢錢文人形永樂中王亞里遣人來朝貢宣德中又來朝貢產西馬駝鶴頂駝雞福鹿片腦沉香乳香乳香即樹脂諸奇藥以易中國紵絲磁器駝雞如鶴長三尺脚二指毛如駝行亦如之駝單峯或雙峯皆可乘

溜山

溜山四面濱海如洲在西海中有石門如城闕土瘠無城郭依山聚居八村稍大皆以溜名可通舟

三千不  
以里計  
亦古人  
所未言

楫餘小溜無慮三千士人日此弱木三千也人巢  
居穴處不識菽粟啖魚蝦無衣草木葉蔽前後舟  
行遇風失入溜即溺溜山荷有牒幹國皆回回人  
俗淳厚業漁好種椰樹氣候常熱如夏市用銀錢  
產龍涎香海貳椰皮結繩可貫板成舟塗瀝青堅  
如鐵釘鮫魚一名溜漁織絲帨甚精緻亦有織金  
帨永樂中國主亦速福遣使來朝貢

阿丹

阿丹近古俚瀕海可舟行國中富饒有馬步勝兵

七八千隣國畏之永樂九年詔中使鄭和賜命五  
市七

白葛達

白葛達海中，小國土瘠俗尚佛教宣德七年國主  
遣和者里一思等來朝貢

瑣里

瑣里西海中，小國物產甚微有撒哈刺，諸梟布洪  
武五年國王卜納的遣撒馬牙茶嘉兒幹的亦刺  
丹八兒奉金字表朝貢圖上其土地山川賜大統

曆金幣永樂元年復遣人朝貢

西洋瑣里

西洋瑣里近瑣里視瑣里差大物產大類瑣里洪武三年使來以金葉表文貢方物上喜王敬中國步海道甚遠賜甚厚永樂元年復遣人朝貢上曰海外遠夷附載番貨勿征二十一年西洋十六國遣使千二百人貢方物至京師西洋瑣里貢獨豐美

彭亨

彭亨在東南海島中並山山傍多平原禽獸稀少草樹繁茂沃土宜穀饒蔬果洪武十一年遣人奉金葉表朝貢賜綵幣永樂十二年遣蘇麻固門的里來朝貢其俗上下親狎無寇盜男女椎髻好誦佛經煮海為鹽釀椰為酒產冰腦諸香花錫

百花

百花在海中依山為國國中有奇花嘉樹民俗饒富尚釋教洪武十一年國王刺丁刺者望沙亦遣八智亞壇奉金葉表朝貢產紅猴龜筒玳瑁孔雀

倒掛鳥胡椒

婆羅

婆羅負山面海人多念佛素食惡殺喜施永樂四年國王遣人勿黎哥來朝貢真珠琥珀瑪瑙車渠賜王及妃文綺

阿魯

阿魯一名啞魯在西南海中土廣人稀物產亦薄永樂五年國王速魯唐忽先遣滿刺哈三附古里諸國來朝貢令內臣至其國賜王文綺

小葛蘭

小葛蘭小國也東連太山西南北皆海永樂中太監鄭和至其國王鎖里人遣人入貢俗尚浮屠重象牛飯和酥酪市用金錢婚喪巾服大類錫蘭山自錫蘭山別那里西北海行六晝夜可至

古里班卒

古里班卒在海中永樂三年國王遣人馬的來朝貢其俗土瘠穀少登氣候不齊夏多雨兩即寒俗質朴男女披短髮假錦纏頭紅油布繫身物產甚

薄

呂宋

呂宋在海中其國甚小顧產黃金以故亦富厚人頗質朴不喜爭訟永樂三年國王遣隔察老來朝貢

合猫里

合猫里地小土瘠國中多山山外大海海饒魚蟲人亦知耕稼永樂三年國王遣回回道奴馬高來朝貢產蘇烏木胡椒

碟里

碟里國在東南海中太洲上洲有諸港通海人淳少訟尚佛物產甚薄永樂三年國王遣使馬黑木來朝貢

打回

打回海外小國數為鄰國所苦已乃治兵器與隣國戰戰勝稍得自立永樂三年遣麻勿來朝貢

日羅夏治

日羅夏治海中小國無他奇產產蘇木胡椒人頗



知種藝無盜賊崇佛教永樂三年國王遣艾那打時鎮來朝貢

忽魯母恩

忽魯母恩在東南海中或曰在西徼外國小土瘠物產薄永樂三年國王遣可一即丁朝貢

忽魯謨斯

忽魯謨斯在西南海中東連大山國中土厚宜耕種人質直狀貌偉碩喜作佛事常歌舞惡殺永樂三年國王遣馬刺足來朝貢產大馬西洋布獅子

駝雞福祿靈羊馬哈獸

甘巴里

甘巴里在南海中大島上人多織錦粒食亦鮮食永樂十二年國王兜哇刺查遣得名公葛葛來朝貢

古麻刺

古麻刺在東南海中永樂時王哇來頃本率其臣來朝至福州卒賜諡康靖勅葬閩縣有司歲時祭討來思

武備志卷之二十一  
討來思在海中周徼不百里城近山山下有水赤  
色望之如火然俗尚禱婦人主家事市中多駝羊  
馬牛亦有布縷毛褐交易用錢土宜麥稌無稻穀  
宣德六年嘗遣人朝貢

吃力麻兒

吃力麻兒永樂中遣使十人來朝貢方物惟獸  
皮鳥羽鬪褐之類其俗不事耕農喜射獵山卑水  
淺西南傍海東北林莽深密多猛獸毒蟲得宗國  
雄黃麝香磁器甚喜有遠巷無市肆交易無期用

鐵

納失者

納失者罕東去失刺思數日程皆舟行海中其國  
山林川澤有林木魚蟲城東平原饒水草可牧馬  
馬有數種最小者高不過三尺俗敬事僧僧所至  
必飲食之顧尚氣健鬪鬪不勝者衆共嗤之永樂  
中遣使十人來朝貢

亦思把罕

亦思把罕於西南海中爲大國廣袤近千里四面

皆海西北多山東南皆平沙國有城堅壯王居亦  
侈麗物產豐厚風俗朴厚尚佛畏刑喜施惡奪亦  
有中國人寓寄者時時出賈撒馬兒罕市多馬駝  
少布帛有珠珀而無稻黍日食惟麥稌麥粒麤壯  
甘美永樂中遣使四十四人來朝貢

淡巴

淡巴在西南海中洪武十年國王遣人來貢賜之  
金幣其國風景秀贍土地廣衍泉甘而水清草木  
暢茂畜產甚夥城以石築屋以瓦覆王乘輿官跨

馬頗有威儀國人勤生種藝織縷抱布男女咸務  
常業市有交易野無寇盜稱樂土矣

甘把里

甘把里永樂間遣六人來朝貢自言其國小介于  
西南海中與諸鄰國不通交易物產又薄山無長  
林田無宿麥以故國用常乏人民艱窘然奉佛教  
不求積聚無乞丐者

答兒密

答兒密永樂間遣使十八人來朝貢方物賜大統

曆文綺藥茶國在海中不百里人不滿千家有墻壘而無城郭屋以板覆田以牛耕王居官舍不甚差別產馬駝羊牛毛褐布縷交易兼用銀錢刑專用箠朴服屬撒馬兒罕

阿速

阿速在西海中爲大國多撒馬兒罕天方諸國人有城倚山面川川南流入海海有魚鹽之市野有耕牧之利敬佛畏鬼好布施惡爭鬪物產饒俗涼暄適節人無饑寒夜無寇盜永樂中遣百十二人

來朝貢

沙哈魯

沙哈魯永樂間遣七十七人來朝貢國在阿速西南海島中人民淳直耻鬪好佛交易海中諸國西域賈胡來市海中奇物不惜高價亦有價廉而得奇貨去者沙哈魯人不識也王及酋長居城中有瓦屋庶人旅處城外田野中村落相聚山川環抱畜產豐利

武備志卷二百三十七

Faint vertical text columns, likely bleed-through from the reverse side of the page.

武備志卷二百三十七

七

